

Kuv sau txog qhov vim li cas kuv txaus siab thiab paub cov dej num rau txog haujlwm yog tus *Associate Vice Chancellor of Facilities Planning and Management*. Kuv tau ua haujlwm 5 xyoos los no rau hauv *Arizona State University* uas 4 xyoos yog tus *Assistant Vice President for Facilities Management and Operations* thiab tam sim no yog tus *Interim Vice President for Facilities Development and Management*. Ua ntej ntawd, kuv tau ua haujlwm 20 xyoo yog tus *Civil Engineer Corps Officer* saib cov vajtse nyob ntawm ntug dej rau *United States Navy*. Txij thaum ntawd los, kuv tau pom tias kuv nyiam ua haujlwm rau cov tsev kawm ntawv qib siab. Kev pab txhawb cov mejyig, neeg ua haujlwm, thiab kev tshawb fawb kawm, ua rau kuv muaj siab ua haujlwm uas kuv ntseeg tias tsis muaj nyob hauv feem chaw ua num muaj tswv. Txawm kuv nyiam ua haujlwm rau *Arizona State University* thiab nyiam cov neeg ua num hauv los, kev npaj lub zeem muag thiab coj ib pab neeg ua haujlwm coob tshaj 1000 leej hauv ib lub tsev kawm ntawv qib siab muaj npe thooob qab ntuj thiab cov kev pab University of Wisconsin-Madison muaj yog ib qho ib tiam muaj ib zaug xwb.

Kuv tau ua ntau yam txog kev tswj kev pab cuam, koom nrog zej zog, khiav haujlwm rau pej xeem, npaj thiab siv nyiaj, ua raws tej cai kom txuag ib puag ncig, tswj kev ua cua txias/sov, npaj ua vajtse thiab kev pab rau cov qhua. Kuv tau tswj saib cov kev ua vajtse siv nyiaj ntau heev rau feem Tub Rog Nyob Hauv Dej (*Navy*) xws li lub khaib tshiab hu ua *Coastal Campus Program*, muab kev pab rau *Joint Strike Fighter Construction Program*, koom nrog cov neeg ua vajtse muaj tswv pub cov tsev raug tshaj \$100+M rau xauj nyob hauv qhov *Broadway Redevelopment Project*, thiab txhawb ntau yam kev pab cuam nyob rau hauv xeev *California* thiab *Southwestern United States*. Kuv ntseeg tias qhov kuv muaj nqi tshaj rau ib lub tsev kawm ntawv qib siab yog qhov kuv muaj peev xwm nrhiav tau txwv yim tshiab daws cov teeb meem txo tau cov nqi. Thaum yuav tau txo kev siv fais fab nyob rau California, kuv tsim ib qho siv 5 xyoos them rov qab raug \$40M (lab) ua vajtse rau kev txo nqi fais fab. Pom muaj caij, kuv ua haujlwm nrog ib tug txais haujlwm ua tsim ib tug qauv siv cov chaw ua fais fab tsis siv lawm tam li cov ua rau lub caij siv heev, kom muaj fais fab txaus xa rau Khaib Tub Rog thaum muaj xwm txheej ceeb. Nyob hauv ASU thaum kom muab 4 thaj chaw kawm ntawv los ua tib qho ua ke, kuv tsim ib qho kev tswj tsis tau txais neeg ua haujlwm ntxiv, tabsis muaj tib qho kev ua raws thiab coj nyob thooob plaws hauv lub *University system*. Tus qauv coj no ua tib zoo xyuas txhua tus neeg thiab kev ua num txo tau qhov neeg tawm haujlwm tsawg, ua rau neeg muaj siab ua num, thiab neeg ua tau haujlwm zoo tshaj 200% rau ob xyoos dhau tas los.

Txawm kev kuv to taub tu vajtse thiab khiav dej num yog yam kuv tau ua ntau tshaj rau kev ua haujlwm, kuv muaj cov kev txawj thiab tau ua dua los lawm kuv xav tias kuv yog tus zoo tshaj rau txoj haujlwm no. Kuv muaj ntawv kawm tiav qib siab rau *engineering* thiab tswj kev lag luam ua rau kuv paub ntsuam tej teeb meem nyuaj thiab siv nyiaj txiag. Kuv tseem tab tom kawm daim PhD rau Kev Txuag Siv Kom Kav Ntev (*Sustainability*), uas ua rau kuv pom tias yuav tau siv kev tsim li cas thiaj kav ntev. Kuv tau yog ib tug *certified contracting officer* nrog tsoom fww teebchaws, uas tau qhia kuv txhua yam txog kev tswj thiab sib hais nqi txais/muab haujlwm rau lwm tus ua. Kuv tau yog ib tug nyob hauv ib pawg saib cov neeg ntawm ntau pawg hauv tsoom fww, uas muab caij rau kuv to taub txog cov cai, nom tswv sib hais thiab teeb meem ntawm zej zog thiab xeev. Kuv tsim thiab siv cov qauv nyob rau txhua theem ntawm ib lub koos haum thiab daws tej kev nyuaj ntawm kev tswj pauv kho. Kuv tau ua haujlwm tam tus tswv thiab to taub cov qhua xav kom muaj li cas thiab paub muaj kev nyuaj li cas thaum cov vajtse tsis ua haujlwm li npaj thiab xav tau. Kuv ntseeg tias ob qho kev kawm thiab tau ua los lawm no ua ke yog ib qho ua rau kuv npaj thiab ua tau tej vejtsse kom zoo raws University of Wisconsin-Madison xav kom muaj.